

皇清經解

皇

清

經

解

皇清經解卷二百三十一

春秋說

吳惠學主書奇著

莊公

二十有二年春王正月陳人殺其公子御寇

穀梁傳公子而不言大夫公子未命為大夫也其曰公子

何也公子之重視大夫命以執公子

執一作視

二十有六年夏曹殺其大夫

左氏無傳

公羊傳何以不名眾也曷為眾殺之不死于曹君者也

十二

四年冬戎侵曹曹伯為戎所殺諸大夫不伏節死義獨退求生後嗣子立而誅之為得其罪

君死乎位

曰滅曷為不言其滅

据上戎侵曹無滅文

為曹羈諱也何以不言戰

為曹羈諱也

穀梁傳言大夫而不稱名姓無命大夫也無命大夫而曰大夫賢也爲曹羈崇也

僖公

七年夏鄭殺其大夫申侯

左傳

四年夏

陳轅濤塗謂鄭申侯曰師出於陳鄭之間國必

甚病若出於東方觀兵於東夷循海而歸其可也申侯曰

善濤塗以告齊侯許之申侯見曰師老矣若出於東方而

遇敵懼不可用也若出於陳鄭之間其其資糧屣屣其可

也齊侯說與之虎牢執轅濤塗秋伐陳討不忠也

五年夏

陳

轅宣仲怨鄭申侯之反已於召陵故勸之城其賜邑曰美城之大名也子孫不忘吾助子請乃爲之請於諸侯而城

之美遂譖諸鄭伯曰美城其賜邑將以叛也申侯由是得罪七年春齊人伐鄭夏鄭殺申侯以說于齊且用陳轅濞塗之譖也

公羊傳其稱國以殺何稱國以殺者君殺大夫之辭也

穀梁傳稱國以殺大夫殺無罪也

十年夏晉殺其大夫里克 十有一年春晉殺其大夫平鄭

父

左傳夏四月周公忌父王子黨會齊隰朋立晉侯夷吾晉侯

殺里克以說於是不鄭聘于秦且謝緩賂故不及

公羊傳里克弑二君則曷爲不以討賊之辭言之惠公之

大夫也然則孰立惠公里克也里克弑奚齊卓子逆惠公

而入里克立惠公則惠公曷爲殺之惠公曰爾旣殺夫二孺子矣又將圖寡人爲爾君者不亦病乎於是殺之然則曷爲不言惠公之入晉之不言出入者踊爲文公諱也踊
也齊人語若關西言渾矣文公惠公出奔不子當絕還入爲篡故出入渾皆不書齊小白入于齊則曷爲不爲桓公諱桓公之享國也長美見乎天下故不爲之諱本惡也文公之享國也短美未見乎天下故爲之諱本惡也

穀梁傳稱國以殺臯累上也里克弑二君與一大夫其以累上之辭言之何也其殺之不以其臯也其殺之不以其臯奈何里克所爲弑者爲重耳也夷吾曰是又將殺我乎故殺之不以其臯也

左傳十年平鄭之如秦也言於秦伯曰呂甥卻稱冀芮實爲

不從若重問以召之臣出晉君君納重耳蔑不濟矣冬秦

伯使洽至報問且召三子卻芮曰幣重而言甘誘我也遂

殺平鄭祁舉及七輿大夫服虔注云下軍之輿帥七人屬申生者前申生將下軍今七輿

大夫爲申生報怨欒盈將下軍故七輿大夫與欒氏左行其華右行賈華叔堅驪欽

纍虎特宮山祁皆里平之黨也十一年春晉侯使以平鄭

之亂來告

二十有五年夏宋殺其大夫左氏無傳當闕疑

公羊傳何以不名宋三世無大夫三世內娶也

穀梁傳其不稱名姓以其在祖之位尊之也

三十年秋衛殺其大夫元咺及公子瑕

左傳

二十八年

元咺歸于衛立公子瑕

三十

衛侯使賂周歆治

厘曰苟能納我吾使爾爲卿周治殺元咺及子適子儀公

入祀先君周治既服將命周歆先人及門遇疾而死治厘

辭卿

公羊傳衛侯未至

據歸在下

其稱國以殺何道殺也

穀梁傳稱國以殺臯累上也以是爲訟君也衛侯在外其

以累上之辭言之何也待其殺而後入也公子瑕累也以

尊及卑也

趙匡曰公子瑕卽元咺所立瑕立而自秉國權故其殺也反在元咺之下以咺臯重于瑕也

文公

六年冬十月晉殺其大夫陽處父

左傳六年春晉蒐于夷舍二軍

僖三十一年晉蒐清原作五軍今舍二軍復三軍之

制使狐射姑將中軍趙盾佐之陽處父至自溫

往年聘衛過溫

蒐于董易中軍陽子成季之屬也故黨于趙氏且謂趙盾

能曰使能國之利也是以上之賈季怨陽子之易其班也

賈季狐偃子射姑

而知其無援于晉也九月賈季使續鞫居殺陽

處父書曰晉殺其大夫侵官也

公羊傳晉殺其大夫陽處父則狐射姑曷爲出奔射姑殺

也射姑殺則其稱國以殺何君漏言也其漏言奈何君將

使射姑將陽處父諫曰射姑民衆不說不可使將於是廢

將陽處父出射姑入君謂射姑曰陽處父言曰射姑民衆

不說不可使將射姑怒出刺陽處父於朝而走

穀梁傳稱國以殺皐累上也襄公已葬其以累上之辭言

之何也君漏言也上泄則下闇下闇則上聾且闇且聾無以相通夜姑殺者也夜姑之殺奈何曰晉將與狄戰使狐夜姑爲將軍趙盾佐之陽處父曰不可古者君之使臣也使仁者佐賢者不使賢者佐仁者今趙盾賢夜姑仁其不可乎襄公曰諾謂夜姑曰吾始使盾佐女今女佐盾矣夜姑曰敬諾襄公死處父之主竟上事夜姑使人殺之君漏言也故士造辟而言詭辭而出曰用我則可不用我則無亂其德

七年夏四月宋人殺其大夫

左傳夏四月宋成公卒於是公子成爲右師

莊公子

公孫友

爲左師

目夷子

樂豫爲司馬

戴公立孫

鱗矐爲司徒

桓公孫

公子蕩

爲司城

桓公

華御事爲司寇

華元

昭公將去羣公子穆襄

之族率國人以攻公殺公孫固公孫鄭于公宮六卿和公

室樂豫舍司馬以讓公子卬

昭公之弟

昭公卽位而葬書曰宋

人殺其大夫不稱名眾也且言非其臯也

公羊傳何以不名宋三世無大夫三世內娶也

三世謂慈父王臣處

曰

穀梁傳稱人以殺誅有臯也

八年冬十月宋殺其大夫司馬

左傳宋襄夫人襄王之姊也昭公不禮焉夫人因戴氏之

族

華樂皇皆戴族

以殺襄公之孫孔叔公孫鍾離及大司馬公子

卬皆昭公之黨也司馬握節以死故書以官司城蕩意諸

來奔

經書宋司城來奔稱其官而不名貴之

效節於府人而出公以其官逆

之皆復之亦書以官皆貴之也

公羊傳司馬者何司城者何皆官舉也曷爲皆官舉宋三

世無大夫三世內娶也

穀梁傳司馬官也其以官稱無君之辭也

九年二月晉人殺其大夫先都三月晉人殺其大夫士穀及

箕鄭父

左傳夷之蒐晉侯將登箕鄭父先都而使士穀梁益耳將

中軍先克曰狐趙之勲不可廢也從之先克奪蒯得田于

莒陰

七年晉禦秦師于莒陰以軍事奪其田也先克中軍位

故箕鄭父先都士穀梁

益耳蒯得作亂九年春王正月己酉使賊殺先克乙丑晉

人殺先都梁益耳三月甲戌晉人殺箕鄭父士穀崩得

穀梁傳稱人以殺誅有辜也鄭父累也

十年夏楚殺其大夫宜申

左傳子西

宜申

與子家謀弑穆王穆王聞之五月殺鬬宜申

及仲歸

仲歸子家

宣公

九年冬十月陳殺其大夫泄冶

左傳陳靈公與孔寧儀行父通於夏姬皆衷其袼服以戲於朝洩冶諫曰公卿宣淫民無效焉且聞不令君其納之公曰吾能改矣公告二子二子請殺之公弗禁遂殺洩冶孔子曰詩云民之多辟無自立辟其洩冶之謂乎

穀梁傳稱國以殺其大夫殺無辜也泄治之無辜如何陳
靈公通于夏徵舒之家公孫寧儀行父亦通于其家或衣
其衣或衷其襦以相戲于朝泄治聞之入諫曰使國人聞
之則猶可使仁人聞之則不可君愧於泄治不能用其言
而殺之

十有三年冬晉殺其大夫先穀 十有四年春衛殺其大夫

孔達

左傳秋赤狄伐晉及清先穀召之也冬晉人討邲之敗與
清之師歸臯於先穀而殺之盡滅其族君子曰惡之來也
已則取之其先穀之謂乎清上之盟晉以衛之救陳也討

焉

十二年晉原穀宋華椒衛孔達曹人同盟于清上白恤
病討貳陳貳于楚宋爲盟故伐陳衛人救之故晉人來

討使人弗去曰臯無所歸將加而師十四年春孔達縊而死衛人以說于晉而免

成公

八年夏晉殺其大夫趙同趙括

左傳晉趙莊姬爲趙嬰之亡故

事在五年譖之于晉侯曰原屏

將爲亂欒郤爲徵六月晉討趙同趙括武從姬氏畜于公

宮以其田與祁奚韓厥言于晉侯乃立武而反其田焉

十有五年秋八月宋殺其大夫山

左傳秋八月葬宋其公於是華元爲右師魚石爲左師蕩

澤爲司馬

澤乃公孫壽之孫

華喜爲司徒公孫師爲司城向爲人

爲大司寇鱗朱爲少司寇向帶爲大宰魚府爲少宰蕩澤

弱公室殺公子肥華元出奔晉魚石自止華元于河上請討許之乃反使華喜公孫師率國人攻蕩氏殺子山書曰宋殺其大夫山言背其族也

十有七年十有二月晉殺其大夫卻錡卻犇卻至

十有八年春王正月晉殺其大夫胥童齊殺其大夫國佐

左傳民不與郤氏胥童道君爲亂故皆書曰晉殺其大夫

齊爲慶氏之難

前年國佐殺慶克

故甲申晦齊侯使士華免以

戈殺國佐于內宮之朝師逃于夫人之宮書曰齊殺其大夫國佐棄命專殺以穀叛故也

襄公

二年冬楚殺其大夫公子申 五年秋楚殺其大夫公子壬

夫

左傳楚公子申爲右司馬多受小國之賂以偪子重子辛
楚人殺之故書曰楚殺其大夫公子申楚人討陳叛故曰
由令尹子辛實侵欲焉乃殺之書曰楚殺其大夫公子壬
夫貪也君子謂楚其王於是不刑詩曰周道挺挺我心扁
扁講事不令集人來定已則無信而殺人以逞不亦難乎
夏書曰成允成功

十有九年八月齊殺其大夫高厚鄭殺其大夫公子嘉 二

十年秋蔡殺其大夫公子涇

涇一作變

左傳秋八月齊崔杼殺高厚於灑藍而兼其室書曰齊殺
其大夫從君於昏也

齊侯出其世子先而立其少子牙使高厚傅之齊侯疾病崔杼逆光而立